


KASESEMA

UWALEKASHIKA PA CINSO

 Nomba lekeni Shikulu alunde amapalo Yakwe kwisambililo lyakwa *Kasesema Uwalekashika Pa Cinso*.

² Muno lucelo twacisendwa nganshi na kasesema uyo uwalefwala umwingila uwafwalwapo. Kabili natwishiba muno bushiku, ukutula mu Malembo, muno lucelo, ukutula ifwe fwebene tufwala umwingila uwafwalwapo. Ifwe... umwingila. Kabili Ndi uwansansa nganshi ukutula wena mwingila uwafwalwapo, pantu uyu mwingila untu tufwala nomba waishibikwa kuli Lesa ngo bulungami, ukupitila muli Kristu Yesu. Kabili tatulesenda umwingila uwalikwa kufipelebesha ifya yamo amasambililo yabantu ayo balya kufipelebesha nefisense ng'anda, nafimbipo, ukulanda ukutula, "Inshiku shafisungusho shalipita, kabili takwaba icintu icaba ngo—ngo kubapo konse ukwa Mupashi wa Mushilo nomba." Lelo twafwala umwingila wabulungami Bwakwe.

³ [Tapali mashiwi pali tepu—Kale.] Te pafyo twingacita ifwe, lelo mu—mukucita ukwakwa Shikulu Yesu.

⁴ Kabili ilyo Nkesa ku Yolodani, Ndefwaya ukukwata umwingila Wakwe, ukucetekela mu Fyakwe. Kabili icinshingwa icikalamba ica mpongolo icabikwa kuntanshi yesu bonse, icitwa "imfwa," lyonse ilyo umutima wesu utunta tuya tulepalama kumupoka poka uo onse umwaume no mwanakashi afwile apitamamo. Kabili ilyo Nkafika kuli kulya kumupoka poka, pamo naimwe mwe bacetekela, Ndi uwansansa nganshi pakwishiba ukutula Nshakaye kulya neci mumutima wandi namano, ukutula Nalicita icintu cimo icikalamba. Nkaya kulya, ukuyebelela nokwishiba ukutula Ndi mubumbu, kabili pakwishiba ici, ukutula, Ndefwaya ukuipomba ne mwine mumingila iyabulungami Bwakwe; nobunte, bwakutula, "Nali Mwishiba mumaka ayakubuka Kwakwe." Ukutula, ilyo Aita ukufuma kubafwa, Ndefwaya nkafume.

⁵ Nomba, incende yesu nobwangalo nafibikwa muno bushiku pa cakubelenga yesu, palwa bushiku bumbi mu Israele, icali imyaka iyingi iyapitilepo pa—panshita yakwa Eliya. Ifingi ifisuma nefibi fyalicitike mukuteka kwakwa Israele. Nomba tuli pancende muno nshita yabushiku. . .

⁶ Muno lucelo twaciba pancende apaciba ukupashanya ukwingi ukwa bumubili, ifyo ibumba lya bakasesema lyali kulya lubali lilesambilila ukusesema. Kabili ifyo bali abaicefya, mpaka bafilwa ukwiluka amaka yakwa Lesa. Batontonkenye

ukutila amaka yalimishe Eliya pamulu nokumuposa kunse kulupili kuncende imo, kabili balitumine ibumba lyabantu kukumufwaya. Ilyo, Elisha alishibe, bwino kabili bwino, ukutila Lesa alimusendele ku Bukata. Pantu, ena tali. Lesa alimusendele, kabili abutwike imfwa pakuya ku Mwesu kuli Lesa, peceleta Iya Mulilo naba kabalwe ba Mulilo. Kabili nomba twalimona ukutila amaseminali nemilimo yamasambililo yamipepele tayabombele. Casendele ukusala nokwita kwa Lesa pakupanga kasesema wakwa Lesa.

⁷ Kabili nomba, muno nshita yabushiku, tulesanga Israele mumibele yakubwelela inuma. Israele yalikwete inshita yafibi nefisuma yaiko. Cena cipasho ca chalichi yeleelo. Inshita shimo bali pamitenge yamayanda, iyakonkelepo inshita bali mwisamba mumupoka poka. Ico eflyo cisenda ifwe pakutasha icintu icisuma. Kwaliba ilyo beta ifunde lyafapusana.

⁸ Umwaume umufishi uwa mu Africa taishibe ukutila aali uwafita, inkanda yakwe, mpaka amona David Livingston. Kabili atile. . . Elyo amwene ukutila inkanda yakwe yali iyafita, pantu iyakwa Livingston yali iyabuta. Cena cakupusana.

⁹ Tekuti wishibe ifyakutotela akasuba nga tawakwete inshita ya bushiku. Tekuti wishibe ifyakutotela akasuba nga tawakwete ubushiku bwa makumbi. Tekuti wishibe ifyakutotela ubulungami, kano fye nga walikwete ukukana lungama kumo. Tekuti wishibe ifyakutotela ubumi ubusuma, kano nga walikwata ubumi ububi, ubumi ubwabipa. Ni abo fye. . .

¹⁰ Kabili uyo e mulandu wine Ndetontonkanya ukutila tuli nokutasha u Muulu nganshi, pantu twalikala pesonde inshita imo. Kabili Ndetontonkanya ifunde lyakupusanya. . . Umulandu tutashisha Mupashi wa Mushilo nganshi, muno bushiku, nipa mulandu wakutila twalikele inshita itali nganshi mu chalichi icatwebele ukutila takwali icintu ca musango ngoyo. Umulandu tuletotela pali ico, muno nshita yabushiku, pantu twalikwata ulubali lumbi. Kabili iyo enshila Lesa acilenga ukuba, pantu abantu Bakwe balikwete ifyo bapitilemo ifibi nefisuma. Tekuti wishibe ifyakutasha pamulu walupili, kanofye nga walibapo mumupoka poka. Kabili, eico, tekuti wishibe ifyakutasha amenshi ayasuma kanofye walinwapo yamo ayabipa panshita imo. Kabili nomba iwe—iwe. . . Konse fye, lifunde lyakupusanya.

¹¹ Nomba, Israele ali muli imo iya mibele yakwe iyakupona, kabiliwe cintu we ico bacitile!

¹² Nomba, Israele ali uwasalwa, uwasalwa, abantu abasalwamo, Lesa asalile Israele ku mulimo umo, ukutila umulopa wakwa Israele ulingile ukuba umulopa uwasanguluka nganshi, pantu ukufuma muli ico icitoto kwali nokwisa Messiya Umwine palwakwe.

¹³ Ukupita monse mu Cipangano ca Kale, Lesa amonekele mu muntu. Lesa amonekele muli Abrahamu, ngo wacetekela mukucetekela. Lesa amonekele muli Davidi, nge mfumu. Amonekele muli Yosefe, ngo bulungami. Amonekele muli Mose, nga kasesema, shimapepo, kapela wa malango. Amonekele mulya munkulo shonse, muli kasesema. Ena lyonse ailengele Umwine ukwishibikwa mu bantu, mu ciputulwa, ukupitila muli kasesema, imfumu, shimapepo, kapela wa mafunde, nafimbipo. Lelo, muli Kristu, Aikele muli Ena, umwisulo wabu Lesa mumubili, kabili pakwishiba ukutila uyu Mupashi mukulekelesha ulingile ukusanga incende ya kutushishamo. Pali Eliya, ali umuntu wa bupingushi bwakwa Lesa. Abilikishe ubupingushi bwakwa Lesa. Kabili, Mose, ali nikapela wa mafunde, ukutila ufwife wayakonka nangu ukufuma. Muli fyonse ifi fintu, Lesa alimininweko. Lelo ilyo Aishile kuli Kristu, Ali uwapwililika, umwisulo onse uwa Bulesa mu mubili waikela muli Kristu.

¹⁴ Kabili Lesa aliiminineko Umwine panshita imo mu mwisulo, ilyo tacilacitika. Mwi Buuku lya Kutendeka, muli Melkisedeki, “Uyo ushakwete wishi, nangu nyina; takwete intendekelo yanshiku, nangu impela ya myaka, nangu impela ya mweo.” Kabili Ali ni Shimapepo, Imfumu ya ku Salemu, shimapepo wakwa Lesa, uwakwa Lesa Uwa Sansamisha, Uyo uushakwete ukutendeka nangu uwabula impela. Ena tali umbi ukucila ukuba icakutangilila Shikulu Yesu Kristu. Pantu, Aali ni Mfumu yaku Salemu, ico caba Imfumu ya Mutende, ico caba ni Mfumu ya Yerusalemu. Kabili Aali icakutangilila. Nangula icikolwe Abrahamu apele icekumi kuli Ena. Ena ali icinshingwa cakwisa kwa kwa Shikulu Yesu. Umo wine Melkisedeki akumenye Abrahamu kunse pampili ilyo Sodomu na Gomorra tafilaonaulwa. Kabili—kabili Amukumenye panuma ya Sodomu na Gomorra, ilyo Abrahamu alipile icekumi kuli Ena pafintu afumishe ku mfumu.

¹⁵ Fyonse ifi fintu fyali finshingwa, ukupashanya kuli Kristu. Kabili nomba, fyonse ifinshingwa ifya bamushilo aba mu Cipangano ca Kale, ifyabo ifisuma ne fibi, fyali finshingwa necipasho, nefilangililo fyesu ileelo.

¹⁶ Nomba, tulesanga ukutila Israele tali nokusakanya icupo. Icupo cabo cali nokuba pakati ka umu no mubiye, te mwina Israele uwakupa Umwinafyalo, lelo bali nokusunga umulopa wabo uwasanguluka. Kabili napali buno bushiku, Ndecetekela umulopa waba Yuda ewaba uwasanguluka—mundupwa pa cinso ce sonde ileelo, mu Yuda. Bena bacili balelolola ulya Messiya. Lelo, Ena . . . Twalishiba ukutila Alisa kale; kabili amenso yabo yalipofushiwe, ukutila ifwe twingakwata ishuko lya kulapila ukupitila muli Kristu.

¹⁷ Nomba, mukati ka nshita iyakuteka kwa kwa Ezra, abana bakwa Israele baishile bwekela kunuma. Bafumine nokuya

senda abanakashi abena Moabu, kabili basendele abanakashi aba bena Amori, abena Perise, nefyalo ifingi fimbi. Kabili tababopilefye, lelo balecita ubulale lale, ukukana sangululwa, nokukowesha ulya wine umulopa, uwaba mulopa wamweo.

¹⁸ Kabili wecikope we iceleelo icama chalichi yesu, munshila balepona ukufumako kumushilwa wakulinganishishako uwamafashoni yakale uo Lesa abikila ichalichi. Ifipope ifyo twali nokwikalilako, ichalichi cilecita ubulalalele ne sonde. Cilafuma nokuya mwisonde, nokutampa ukuwaya waya mwisonde.

¹⁹ Nomba, ici calilengele kasesema insoni icine cine, mpaka, ilyo aali mucinso cakwa Lesa, icinso cakwe calikashike. Mukubalilapo lintu aumfwile palwa ico, kabili amwene imibele i—iyaonaika iya bantu bakwe, calimukalipe mpaka aikeleko panshi nokuisuba, anukwile imishishi nokuinukula imyefu, kabili ali nomutima uwafina kucinso cakwa Shikulu, mwipepo. Nomba lintu ilambo lyacungulo bushiku lyapelwe, aingile mwitempele nokupona pamakufi kabili icinso calikashike pacinso cakwa Lesa, pamembu sha bantu.

²⁰ Nomba, icinso cakwe tacakashikile umusumba wanyali shakashika. Icinso cakwe tacakashikile bakanwa wabwalwa mucilindi cakumbo, nangu cingaba icabipa. Lelo, icinso cakashikile pamembu shabasalwa.

²¹ Kabili ico tulekabila ileelo niba kasesema nabambi abakwata Lesa mumitima yabo icakuti bakashika pamenso mu Kubapo kwakwa Lesa, pa membu sha bantu abaita abene abantu bakwa Lesa nokucita umusango balecitolamo. Wecansoni we isho twaleta pali ino incende! Imibele iya bantu besu. . .

²² Ili te sambililo ilyaanguka ukulandapo. Kuti natontonkanya pafintu ifingi ifyali ifyaanguka ukulandapo. Lelo, munyina, ngo muntu umo teminine muli buno ubwa lubembu, ubushiku bwa buceude ubo tuleikalamo, nokwita amalangi, cinshi icili nokucitika? Umuntu umo afwile acilanda. Umuntu umo afwile acileta kubantu.

Nalimo Ezra talefwaya ukucita ico, lelo cali mumutima wakwe.

²³ Kabili ilyo mwamona umubomfi wakwa Lesa aba uwabufumacumi nganshi mpaka awila pa cinso cakwe na maboko yakwe mumulu, alepepa kuli Lesa, kabili icinso cakwe cakashika pamapulu yabantu, ninshi mwalamona ukupuputulwa kwatampa. Umuntu tekuti ekale mu Kubapo kwakwa Lesa, ichalichi tekuti cikale mu Kubapo kwakwa Lesa, pesamba lya kulapila, kanofye u Mupashi wa Mushilo waikila nokupela ukusuba naamaka ukutampa ukusela kwakwa Lesa mulya pakati ka balya bantu. Cena cifwilefye caba ifyo fine!

²⁴ Nangeni umuntu. Nangeni Calvin naumbi, Knox, Finney, Sankey, nangu onse pali abo abaumfwa icisendo ica bantu, abo

abali nokulambalala pa finso fyabo nokulila nokupepa ku cinso cakwa Lesa. Tutumineni John Smith uwa chalichi ca Baptisti nakabili, uwapepele ubushiku bonse pamampulu ya bantu, mpaka amenso yakwe yafimba yaisalika ulucelo lwakonkelepo, kukulila, mpaka umukashi wakwe amutungulula kwi tebulo nokumulisha umwikulo wakwe na supuni. Nangeni John Wesley nakabili, ulukuni lwa mulilo ulwafumishiwa mu mulilo, Ine nalamulangisha ukupuputulwa.

²⁵ Ifyo balecita ileelo, twalacibika panuma. Tuleita ico *ici* na *ico*, kabili nokupuputulwa, ilyo tamwaba ukupuputulwa kuli ico. Ico nacilungama. Kwaliba ukwimya kwa fyakumfwa umfwa ukwa mipepele pa bantu, lelo takwaba ukupuputulwa.

²⁶ Balikwete ibumba lya bukapepa muli bulya bushiku. Balikwete ifyakusela muli bulya bushiku, lelo balekabila ukupuputulwa.

²⁷ Mulandu nshi, wemutemwikwa wandi munyina na nkashi, imibele iya cino calo yaliba iya panshi nganshi mpaka yena kuti yalenga imbwa ukuba iyansoni. Kuti yalenga mumbwe akashika pa cinso nga cakutula kuti cacita ico, imicitile iyabipa iya bantu besu! Abantu, ne myaka iyapitapo, ifintu ifyo twakwata, i—icalo fintu cacita, ifintu ifyo abantu bacita! Mulandu wakukana pepa.

²⁸ Ichalichi fintu calecita, tacacetekele mubunkolanya, tabalesuminisha abana babo ukuya mukutamba ubunkolanya. Balesusha ubunkolanya. Kabili, ileelo, umulandu bena bakwatila nangu...Balikwete ubunkolanya mu ng'anda yabo. Ing'anda yonse yalikwata icitunshi tunshi.

²⁹ Pacifulo eco baletontonkanya ukutula cali cilubo ukunwa ubwalwa, pacifulo ico baletontonkanya...John Barleycorn we umuntu umukalamba uwabipisha untu aali. Ileelo, icipendo amakumi mutanda icabaitunga ukuba abena Kristu balanwa ubwalwa bwa kuisanshano nalimo umuku umo pa mwaka. Elyo nomba bakwata amangalo ayakalamba, munshita ya Ciminshi minshi, ilyo bakwete ukusefya kwabo. Pantu, bena balibula amasambililo ukusenda icifulo ce pusukilo. Cena tacakatale cita ico.

³⁰ Ico tulekabila kupuputulwa. Tulafwala nefisalu fyapamafupa yakucikondo cikalamba, twafula; nacimbi icisalu, twafula, kabili twasnga ukutula ubukali bucilipo. Efyo tulekabila tekupangwa cipya cipya cabantu, tekulanda kwakumano. Ico tulekabila ileelo cama fashoni yakale, Umulopa uwatumwa na Lesa ukubikwamo ukufuma ku Muulu. Ifisalu fyakubika pamafupa yakucikondo cikalamba tacabombe icisuma icili conse. Tatwakwata umulopa. Tulefwaikwa ukutubikamo u Mulopa. Tufwile twabwela ku Mbila nsuma yamafashoni yakale iita pakulapila kucinso cakwa Lesa. Kabili teya menso yauma, umulimo wakuposhanya; lelo ukwatumwa kuli Lesa, ukupuputulwa kwa Mupashi wa Mushilo ne cikwatwa

cakuwamyu u Mulopa wakwa Shikulu Yesu Kristu mu mutima wa muntu onse. Tulekabila ukupuputulwa ukutampa mu Chalichi, nokupita mucalo conse. Tukafwa, tukonaika, twaliya, ukwabula uyo musango wakupuputulwa.

³¹ Nindwala nokunaka ukumona ukunono ukwabula ukuposako amano ukupuputulwa ukwa mu Hollywood, icitwa ifyo uko abantu besamo nokusendwa mufyakumfwa umfwa pa ma ora yabili, kabili, nangu ubushiku bumo nangu shibili, nangu umulungu nangu shibili, nokuya kabili e conse. Munyina, kuti waba mu...uwabombelwapo kukupuputulwa. Kuti wakwata imyurfwile. Kuti wakwata bwiminishi ubusuma. Fyonse ifyo fintu fisuma, lelo tatulekabila ico ileelo.

³² Tulekabila ulubatisho lwa Mupashi wa Mushilo, ukucinja ifyakumfwa umfwa, namano, nokulolesha, imisango, umweo wa bantu, nokubabika nakabili munshila iyalungama nakabili. Kunse ya Mulopa ukubikwamo ukufuma ku Kalbale, ukulungamikwa kwesu konse takwacite icisuma nangu cimo nakalya.

³³ Ifwe tatulekabila ba UN, ifwe twalikwata UN kulya, kabili ni cinshi ico bacitile? Ishina lyakwa Lesa talyatalile itwapo. Balatina uku Ciita. Inshita imo bali mwipwishe, kwibumba lyaba shimapepo, “Mulandu nshi tabakwatile amapepo?”

Batile, “Limbi kuti cacena umuntu umbi, umo pali bambi abashacetekele muli Lesa.”

³⁴ Oh, ico tulekabila kupuputulwa. Tacipanga ubupusano uo cakalifya, tufwile twashimikila i Mbila nsuma nokwita amalangi yesu ukubomba. Cisuma. Ine teti mupele icilangililo pa butantiko ubuli bonse ubo bwashile Lesa ukufuma muli cena, nangu niba UN, nangu Bane Abakulu, nangu onse untu cingaba.

³⁵ Mpaka cino calo caima ukufika pa cifulo, ukutila ifwe tulefwa ukwabula u Mulopa wakwa Shikulu Yesu Kristu; mpaka cila muntu ashibuka ukufika pa—pa mulandu, ukutila ifwe tulefwa! Umulandu tulefwila, kukana kwata icapakutendeka, inshila, icakwafwa, icakuposha ico Lesa atupele pa Kalbale.

³⁶ E mulandu wine cilengela umuntu ukukashika pacinso! Emulandu wine! Kashimikila uwacine, alolesha pa lukuta lwakwe nokwasha ukubatungulwila ku Cipuna cakwa Lesa. Nokutandalila amayanda yabo, nokubasanga balepepa imishanga, baleyeba imipulwe iyafiko, baleisansamusha kulukungu, namalila yakunwa amalwa. ukulaenda mu misebo, abanakashi babo abacaice, nabacimo capakati, nafimbipo, nabanakulu nabafwala nakaputula akanono. Nyina naya mumusebo nomwana mumaboko, nafwala bucende bucende ukufika mukecebusha cakolwa uuleenda mumusebo; nokuita abene abena Kristu. Cena kuti calenga umuntu onse uwa cine uwakwa Lesa ukukashika pacinso, pakuleta umuntu wa musango ngoyo mu Kubapo kwakwa Lesa. Cisuma!

³⁷ Nakonse ukuilunda ku chalichi nokukwatako ubwiminishi ubwabako bwino, fyonse fisa mukubafye ifyabuwele wele, kabili eflyo cali muli bula bushiku kabili cikacita ico muli buno. Tubwesheni kuli Lesa, tekunyeleti yamasambililo, tekunyeleti yabukacinja bamipepele, temunyeleti yamasambililo yamipepele ayapanga abantu. Lelo ulubatishe lwakale ulwa Mupashi wa Mushilo ulwatuminwe ukufuma kuli Lesa, ukufuma ku Muulu, mucakupitamo ica pentecosti ukwakoca bumubili. Kabili ukupyanishapo mulya ilibwe lyauma umutengo ilyo Lesa alefwaya ukuba mulya, ilya mwana mwaume no mwana mwanakashi wakwa Lesa. Mpaka tukacite ico, ba munyina nabankashi, ifwe nalyo line tukakwata imishishi iyabeyewa, ukupenta, abanakashi abamimonekele ya bulalelale; kabili abaume ukunwa, ukupepa fwaka, nokuita abene abena Kristu; pantu tabaishiba icingacilapo. Mumitima yabo, ulya wine umushila wabumubili walilambalala palya, kabili tulekabila ichalichi icasangululwa, ukufuma pesamba ukuya ku cintamba. Ameni. Kabili ico nacilungama.

³⁸ Iffyole tulekabila ileelo niba kasesema abakashika pacinso. Lesa. . . Inshita shimo abantu balesa mu mulongo wa mapepo, mukupepelwa, bamoneka kwati baleya ku ng'anda yamibele yabipa. Ico nacilungama. Ukwisa mukwipusha Lesa pacintu cimo, kabili nokumoneka kwati ni Yesebele. Ico tulekabila ileelo kuwamya ing'anda kabili nokukaba kwa mutima, kuli bakasesema bakwa Lesa abali nokwiminina mu cintamba nokulanda pacintu, nokulanda pacalungama ne cilubo; nokushimikila i Mbila nsuma ukwabula ukukalulushanya, mpaka ababembu baponena panshi, nokulila mpaka Lesa atuma Mupashi wa Mushilo ukuwamya umweo wabo. Ameni. Twalishiba ukutila ico nacilungama. Ico nacilungama.

³⁹ Nalishimikile kuno tapapitile inshita kabili natile ukutila umwanakashi onse muli uno musumba ali nomulandu, munshila imo nangu imbi, pabucende. Bena baliba nomulandu. Abanakashi baya kumatuka kuno kabili balafilwa ukushita ilaya, kanofye nga lyaba ilyakuti baipatikishemofye. Ine nshili pano muku. . . Ici e chalichi candi. Ine nalikwata insambu ishakushimikila ico Mupashi wa Mushilo alenjeba ukushimikila. Cisuma.

⁴⁰ Leka nkwebe. Ine nshilekususha, nkashi yandi. Lelo bushe Mupashi wa Mushilo takufundisha icapusanako? Nga taticita ifyo, Ndi no mwenso iwe tawapokelele Mupashi wa Mushilo. Ico nacilungama. Mupashi wa Mushilo te “kubilikisha.” Mupashi wa Mushilo te “kushana mu Mupashi.” Mupashi wa Mushilo te “kulandila mundimi.” Mupashi wa Mushilo bulungami. Lesa, tupeleni ukupuputulwa kwa Mupashi wa Mushilo ukwa bulungami ubwatuma na Lesa.

⁴¹ Bushe tawiluka ukutila lintu wafwala ngefyo nokwenda mumisebo, kabili abantu balolesha pali iwe munshila iyalubana,

ukutila pa Bupingushi, iwe limbi kuti waba uwapwililika nge tunda ku cinsu ca mulume obe, lelo pa Bupingushi iwe ukaba no mulandu wakucito bucende no mwaume wailangishako we mwine?

⁴² E mulandu wine cili nokulenga umuntu ukukashika pacinso! E mulandu wine! Ni cinshi ico cicita kuli Lesa? Ilyo, Baibele itila, mukutendeka, ukutila, “Ca Mulengele ukumfwa ububi, pakuti Apangile umuntu.” Cena cakalifye umutima wakwa Lesa, lintu Aloleshe pali bena munshiku ilyo ubonaushi bwe lyeshi tabulacitika, ukutila Ena atalile ukulenga umuntu. Ni cinshi icacitike? “Abana baume bakwa Lesa bamwene abana banakashi ba bantu ukuti na bawama.” Cali icakupondamika. Cali icakufulunganya ukukumana. E cintu catamfishe abana bakwa Lesa ukufuma mwibala lya Edeni. Nico cine icintu icaletele ubupingushi bwakwa Lesa, ukuleta umutende pe sonde. E cintu calengele ukutila bonaulwe. Cali nicilya cine icakusakana, pakati ka banakashi na baume, ico icalengele Sodomu na Gomorra ukwibila pesamba lya Bemba Wafwa.

⁴³ Cena calandilwe na bakasesema. Calilandilwe na Shikulu Yesu, ukutila, “Ngefyo cali muli shilye nshiku, eflyo cikaba ilyo Ukwisa kwa Mwana wakwa Lesa takulabako.” Ifwe tulelolesha ileelo, nokumona ukuti ichalichi cilebula icakumwenako caciko, temuli Baibele, ukufumya muli Ruti na Naomi, kabili ukufuma muli Sara na balya bamo muli Baibele, lelo balepashanyako, nabanakashi mu chalichi, ukukonkelesha Hollywood neficitwafye ifya kwa ciwa.

⁴⁴ Kabili ifyo abantu besu, abaita abene abena Kristu, baya kunse uku nokusenda inshila sha uyu muntu umubifi. Amaseleti aya ayakwa Elvis Presley, nafyonse fintu ishina lyakwe lingaba, umo pababepekwa icine cine, abaikatwa naciwa abantu abo Natala monapo mumweo wandi. Arthur Godfrey nababa ngefyo, kabili muleumfwa kubuwele wele pamilabasa yenu. nokukana ukumfwa i Mbila nsuma iilesshimikilwa muli Baibele. Lesa kwateni uluse pali imwe. Mupashi wa musango shani twakwata pakati kesu? Ico nacilungama.

⁴⁵ E mulandu wine kasesema wakwa Lesa akashikilee pacinso cakwa—cakwa Shikulu. Alishibe ukutila ico cali ukukana lungama. Kabili aiminine nokupapatila umulandu, nokutila kuli Lesa ukutila, “Ifwe tuli abashalungama.”

⁴⁶ Eflyo twaba bacibusu, mpaka twabwekela pancende yakubikwamo Mulopa. Leken i ukupikapo ifisalu. Leken i ukubikapo umuti. Ukundapwa tekuti kucitike kano umulopa nga walungama.

⁴⁷ Uyo e mulandu wine abantu abakwata ubulwele bwa shuka. Nga umo nga aiputula umwine, ena nalimo takatale ukundapwa. Mulandu nnshi? Pantu utubulungwa utwamulopa ututuntulu natulikwa.

48 Kabili chalichi yonse nailwala ubulwele bwa shuka. Kabili nokucenwa ukunono kwaisa, mucifulo cakwenda ukuya pantanshi, wakulatonkolapo. Wena tekuti undape. Ukuitemwa, ukukushiwa, ubulalalele, ifintu fyonse ifyashala ifyaba muli kalenda yakwa Lesa “ukucita icalubana,” ichalichi cilebula iyo imisango. Abaume balenwa, balepepa fwaka, balelanda mipulwe yafiko. Abanakashi balebeya imishishi yabo, ukupenta kalaso, ukucita imisango yonse iyafintu, ukuifwika ifyabipa ukuya ku bantu. Fyonse ifyo fintu ni pamulandu wakukana kwata u Mulopa wakwa Shikulu Yesu Kristu ukutuwamya ukufuma kukukanaluungama konse. Amen. Ico kuti camoneka icakosa. Mucine, cena cintu cakosa, lelo cena Cishinka.

49 Nga cakutila tatulandile ubupingushi bwakwa Lesa wa Maka yonse, iwe uli nokwikatwa bumo muli ishi nshiku mu cakupoleka ica atomiki muno, ico cikatuma umweo onse ukuya mu Muyayaya, mukukumanya Lesa uyo uli nokwishibafye u Mulopa wa Mwana Wakwe, Kristu Yesu. Ukupanda kwa mano kwandi: kumona iwe waisa pesamba lya Mulopa, ukupanda kwamano kwandi kuba uwalungama na Lesa, uku e kupanda kwa mano kwandi kuli imwe.

50 Ukuba, mulandu nshi tekuti tukwatile icicetekelo? Mulandu nshi tekuti tukwatile ukundapa ukucila pako twakwata? Mulandu nshi tatwingabela abakulwa bwino? Mulandu wakufwala ifisalu; pantu tulebikapo ifyakukambatikapo; ukubikapo ifiputulwa fyamatepu. Tuleesha ukucifimba, mucifulo cakulanda ukutila tulekabila ukutubikamo umulopa. Tatukwete u Mulopa. Tatukwete Kristu. Mwileka muibepe.

51 Taufwile ukuleka ciwa akupampansha pacipeya, utiile, “Ukuba, Ndaya ku chalichi.”

52 Ciwa alaya, nao. Ico nacilungama. Ena mucine aleya; aishile kuli Lesa, aile ku chalichi mu Muulu; aishile ku Cipuna cakwa Lesa, nabana bakwa Lesa, ukwikala pamo nabo; balikwete ukulanshanya na Lesa. Atile, “Wafuma kwi?”

53 Atile, “Nacilaenda uku no ku, pamulu napanshi, pe sonde.” Uko eko aile.

54 Eico, ciwa alaya ku chalichi. Ciwa aba ku chalichi. Ciwa acita ifintu kwati mwina Kristu. Ena nikabepa. Kabili nga ena tacitile ngo mwina Kristu nokucita nga chalichi, tekuti abe uwabufi; takuli umuntu uwingabepwa. Icintu fye cimo, caba icapusana nga ukufita nokubuta. Cena cintu capusana kuli cimo ne cibiye. Lelo Ena... Baibele itila, “Cikaba mupepi nganshi icakutila cikabepa na Basalwa bene nga cingacitwa,” ulyo mupashi mubushiku bwakulekelesha. Ba cibusa, epo tufikile.

55 Yena ninshita yaba bakasesema bakwa Lesa, oh, munyina, iyaba bakashimikila, nga cakutila kuti walanda ico, mucalo monse, ukuwa pa cinsu cabo.

⁵⁶ Mulandu nshi, nangula, kwaba ba Baptisti ba milioni ikumi limo na pabula ama chalichi yaba Baptisti, ba milioni ikumi limo na pabula, ntile, mu America, ba milioni ikumi limo na batatu ba Methodisti, ba milioni ikumi limo na cimo ba Lutherani, ba milioni ikumi ba Presbyteriani. Uluse, tontonkanyeni pali ico! Kabili lyonse kumangalo yamupila, mukuissekesha, kabili pali Citatu ubushiku, kabili inshita shimo pa Mulungu ubushiku, nabekala ku ng'anda balekutika kucitunshi tunshi naku cilimba, kutwakulanda utunono nemipulwe ifyo bafumya ku Hollywood. Umweo obe ulekunkuluka pa fintu fya musango ngoyo.

⁵⁷ Ilyo, ulingile ukukwata Baibele yobe kunse kucifulo cimo, naufukamako ku cinso cakwa Lesa, pa makufi yobe, ulepepelako ulubembu lwa calo.

⁵⁸ Kabili Ndi wamulandu pamo naiwe. Ninsala ifyakucita. Ukupitila mukwafwilisha nokusenamina kwakwa Lesa, nga cakutula Lesa wesu akampela amaka ayakucita ico, Ndi uwaipelesha ukuya ku mushilwa wakwitwa ukukalamba muli Kristu Yesu, mpaka imfwa ikandubule. Lesa abe kafwa wandi ukucita ico! “Ngafweni,” epepo lyandi. Ukumona imilimo, nokumona ifintu ifyo Namona nafintu mwamona, kabili ukuba kunuma nokuba uushakwata umulopa wakumupashi.

⁵⁹ Kabili lino ihema ilyo lyaishibikwa ukuya monse mwisonde, lino ilibwe ilinono ilya konkili ilyaikala pa cifutu, Lesa alikwimya ku cinso ca calo. Cisuma.

⁶⁰ Ndetontonkanya pafyo Davidi, inshita imo iyabushiku, ilyo atile, “Ine Ndi pano, ndeikala mu ng'anda ya mikedari, kabili icipao cakwa Lesa wandi cikala mwitenti.” Atile, “Nka Mukulila ing'anda.”

⁶¹ Nataniele, kasesema, atile, “Cita fyonse ifili mu mutima obe, pantu Lesa ali nobe.”

⁶² Bulya bushiku, Lesa amonekele kuli Nataniele kabili atile, “Da- . . . Kabiye kebe Davidi ukutila, ‘Wali nani, Davidi? Iwe wali. . . Nakufumishe mwicinka lya mpaanga, ukufuma mukusanga impaanga. Kabili Nalikupangile ishina ilikalamba, nga abantu abakalamba abamucalo.”

⁶³ Ninani uwikele muno mwihema muno? Icinono icashalila, ishafumishiwapo cimomo icikele pacifutu camusebo wa Eighth na Penn Street, mpaka Jeffersonville tayaishibe pantu yali, nabantu abesa pano. Kabili ileelo, Lesa, kuluse Lwakwe, ali musenda nokumulenga ukuba abantu abakalamba. Bombay, ku India alishiba uko lino ihema lyabela. Durban yalimwishibe; fyonse ifii ifyalo fimbi. Africa yalishiba uko iyi ncende yaba; India, Germany, England, Finland, Sweden, Europe, Asia, bonse, ukuya kulya ku fishi fya Thailand, namulya, balishiba fyonse palwa yena. Kabili Lesa alitulenga ukuba icilangililo ku bantu. Kabili ukutontonkanya, nomba, panuma Lesa acita ico, kabili

ifwe twapilibuka nokuba abawaya waya mufintu ifya mwisonde, nokukwata ukukama umulopa ukwa kumupashi. Mulandu nshi, ifwe tufwile ukuba ing'anda ya lubuuto iyabikwa palupili, inyali iishingafiswa. O mwe Lesa! Ndi nomulandu nga imwe bonse abashala.

⁶⁴ Ico Ndepilibula cakutila, Ndefwaya—Ndefwaya ukwama fashoni yakale, ukulapila ukwatumwa na Lesa, nobwite ukubwelela kuli Lesa, icakuti abaume nabanakashi baingila mumwinshi, nenkonto, bali nokufuma ukwabula shena. Uwapofula nga atunguluwa ukwingila mumwinshi, bakaya balemona. Ilyo bankoma matwi baingila namatwi yakoma, bakafuma baleumfwa. Ilyo ababembu baisamo, abafita kabili abakowela no lubembu, bakafuma, abasambwa mu Mulopa wa Mwana wa mpaanga. Bushe tekuti tucicite? Lesa aitile Israele nokubapanga icakumwenako. Lesa atwitile nokutupanga icakumwenako, lelo twalifumapo pali Lesa, kabili cilatulenga ukukashika pacinso mu Kubapo kwakwa Lesa.

⁶⁵ Pakutontonkanya ifyo, ifintu ifyo Atucitila! Ifyo Atusansabika ukufuma mwicinka lya mpaanga! Ifyo Atulenga ukwishibikwa, kwisonde lyonse! Ifyo Atucitila icintu icikalamba! Kabili, lelo, tulawaya waya, kabili tulesakana nokuya kunse, katumneka ukuba ababufuma cumi. Twalileka nokukwata amapepo, nefintu taficitafye, kwati, fileendafye bwino. Kabili tulesha ukubikapo ukutantika ukunono, ifisalu fyakubika pefupa lyapacikondo cikalamba, ukucefyako ubukali. Tekuti ucefyeko ubukali mpaka wakwata uusuma, uukankala u Mulopa uwakuposha ici icintu. Cisuma!

⁶⁶ Nga mwaputulako inkanda yakucikondo, kabili wakwata ubulwele bwashuka, kabili bukakulenga ukuleka ukulya ifyakulya. Mwiesha ukukana *ici*, nokucilukila *ici*, nokuputula icisalu cakubika pacikondo pali *ici*.

⁶⁷ Lelo icintu fye icakucita kwisa mukutambalala kucinso cakwa Lesa, nokutila, “Mwe Lesa, Nshikwete umulopa, kabili Ndekabila u Mulopa Wenu ukungwamya ukufuma kulubembu lwandi lonse.” Ilyo e pepo lyandi, ndecetekela yena yobe.

⁶⁸ Tontonkanya pali ifi fintu, cibusa. Bumo muli ishi nshiku; cena cikabafye icakucitika ilyo akasuba takalatula mulucelo, ngefyo cili nokucitika imyaka amakumi yasano ukufuma ileelo. Limo ibomba lipupuka, limo pali yalya aya koboti nangu haidrgeni kuti. . .Icalo conse icaba icaipekanya.

⁶⁹ Mwalicimona mwipepala ubushiku bumbi uko balefwaya sayansi, ku Pentagon, ukwasuka palwa ndeke shapangwa ngembale. Tacali kashimi, tacali icintu icakwelenganya, cena cali icituntulu, cena cali mano. Shaapupwike mu mibele ya bulwi, shaleiminina, nokutampako, shaleiminina, balishibe, ukutila cena cali mano yamo. Balicishibe. Abantu balisekele,

abantu batile, “Indeke ishapangwa ngembale?” Balisekele palwa ico.

⁷⁰ Lelo namwishiba ico Ndetontonkanya? Yesu atile, ilyo Talaisa, kukaba ifishibilo mu muulu. Bushe na mumona? Ilyo Talatendeka, aonawile Sodomu na Gomora pamulandu wafya bulalalale fyabo, Atumine ba Malaika ukwisa fwailisha palwa cena. Ba Malaika balisa pe sonde mummyaka inono iyapitapo. Balimoneka pakati ka bantu; Ndepilibula, aba cishinka abantu abasambwa no Mulopa abaishiba ico. Bena baliminina kabili balibakopepe ifikope. Ico nacilungama. Ababantu baba Malaika balatandala, balasenda ilyashi kuli Taata, ukutula ulubembu nalufula mpaka intanda shilefilwa ukusanika. Umweshi... Isonde lyonse lileshinguluka ngo muntu uwakolelwe uulya munshita ya bushiku. Nacilungama.

⁷¹ Ulubembu pakati ka bena Kristu, pakati ka Basalwa! Bena balishitisha ububeli bwabo, pa mulandu wa kulumbukwa. Kapyunga alicinja i Mbila nsuma nefyamalila ifyabantu. Alicinja iyamafashoni yakale iyasambwa no Mulopa i Mbila nsuma nefyakubomfyafye amano nabantu, ukushimikila ifyakumano, ukulanda pabantu, nokubomfya i Mbila nsuma munshila yalubana. Abengi muli bena balaya mumulimo, mukushimikila, nokubomfya i Mbila nsuma kukunonkelamo abene, ku kupanga indalama. Abengi balikwata amatala ayakalamba nemyotoka, nefintu eflyo nga tabakwetepo, ukunonkelamo. Te bonse; Ndetasha ukutula kuliko abashalako.

⁷² Munshiku shakwa Ezra, ilyo Ezara atendeke ukulila, nokulumbula ulubembu, namwishiba icacitike? Bonse abasalwa, abacetekele Lesa, bakolongene ukumushinguluka.

⁷³ Ico tulekabila ileelo baume na banakashi... Bakashimikila benu baleshimikila, amachalichi yenu, nokwita ulubembu “ulubembu,” nokulwebaula, abantu abacine abakwa Lesa kuti balongana ukumushinguluka, nokwikala pamo naimwe. Ico nacilungama. Ninshita yakwita, nokulanda eflyo cila cintu caba, ukulekanya icalungama kucishalungama. Lesa fikilisheni ico kuli ifwe, ukutula tukwate ukushipa ukwakucita ico.

⁷⁴ Tontonkanyeni fye icinga citika. Ilyo Nacilamweba, Ndecetekela, muno lucelo, nangu ukumfwa umuntu umo acilanda, ukuti pali... Umo uwa aba bakacefya abalecefya; Nindaba ifyo mucita nomba, kwibomba, nangu indeke ishileisa. Tapapitile inshita, kwali ubutantiko ubwaishile kuncende imo, ukutula balifumishe ifimato ifikalamba, nendeke shankondo imyanda itatu namabomba ya atomiki yalekobama pesamba yashiko.

⁷⁵ Tapapitile inshita, pa cibansa icikalamba ica ndeke mu Shreveport, umo pa balumendo alipilibwilwe kulya lubali mukulongana kuli Muniyina Jack. Atile, “Twalikwata ama bomba aya atomiki ayakobama fye mufikulwa kwa ndeke yesu.”

Natile, “Bushe tauli . . .”

⁷⁶ “Mu i . . .” Ndepilibula, “Mu i—mundeke; kabili twaleya kulya nokupitamo nafyena cila bushiku.”

Natile, “Bushe tauletina?”

⁷⁷ Atile, “Tafyakwata ifyakulishishako kuli fyena. Lelo tuli abalola nganshi, icakutila mukati ka miniti, nama sekondi amakumi mutanda, kuti mwaba ifyakulashilako nokuya. Nababikamo namafuta kabili nafipekanishiwa, kuti shapupukila ku England nafyo, ilyo line.”

⁷⁸ Ifikulwa ifikalamba fyaba pali bemba, kuncende shonse. Kabili bena balelanda ku Russia, “Poseni ibomba limo! Posenifye ibomba lya atomiki pali UN, nangu pa cifulo cimo kulya, kabili mumone icalacitika!”

⁷⁹ Cikaba nicinshi? Cikaba icakupuma pali Russia. Kabili nga kuti bacita ico, kabili batampa ukuponya ayo amabomba ya atomiki naya haidrogeni, kuti calenga ifyakufumamo ifyakukonkana ifingoca isonde ukulisangula a—akatambo kalungula, ukusunguluka. Namwishiba, cena tekuti cikane ukusuminishanya na Malemo napanono. “Pantu isonde lili nokupya, nomuulu, pamo.” Ama atomu yamwisonde yakapya.

⁸⁰ Tuleikala mubushiku bwa busanso. Ifwe tuleikala mubushiku lintu abantu ba mwisonde bakwata umwenso uwakubafisha ku mfwa. Abantu abakalamba, balikwata—balikwata umwenso paukapoha lilye bomba lyakubalilapo. Ibomba lyakubalilapo ilikapoka, ninshi icintu conse caya mu—mucimfulunganya.

⁸¹ Ilingile ukuba inshita iyansansa nganshi mwisonde ku mwina Kristu. Inshita shili nokupilibuka. Abakote bakasanguka abaike. Oh, owe! Imfwa ili nokufumapo. Takwakabe amalwele nakabili. Takwakabe imisonkano yakupepelako abalwele. Takwakabe imisonkano yakupepelako abaluba. Lelo Lesa ali nokwisa nokusenda Abasalwa ukufuma mummyela ine iya pe sonde, nokubalonganya pesamba lya mapindo Yakwe, kabili tukekala nokuteka pamo Nankwe umuyayaya mu Muulu Wakwe.

⁸² Oh, munyina, nkashi, cibusa wandi, nga cakutila tawaipekanya muno nshita yabushiku, leka ube uawaipekanya pali ino nshita. Ndemupela ubwite ubwakwisa kuli Kristu Yesu, muno bushiku, nokupokelela. Mwebaba abaibela, mwebaishiba ukutila tamuli uko mulingile ukuba na Lesa, Ndemwita ku cipailo pamo naine. Naita cila umo muli imwe ukwisa pano, kabili tekulandafye epela, lelo ukwikala pano mpaka Lesa awamyama umweo obe ukufuma ku cintu conse ico icishaba nga Ena, mpaka wafuma pano umuntu umupya. Tekuba necisalu cakubika pacikondo, lelo ukuya ukufuma pano uwabikwamo u Mulopa uuwamyama umulopa obe kabili alamupela u Mweo upya nesubilo lipya. Ukuya nolubatisho lwa Mupashi wa Mushilo.

Ukuya kunse, tekubilikisha, tekushana, te fingi. . . Ifyo fintu fili fye bwino. Fyena fyonse fyaba mu Chalichi. Fyonse fyaba muli Baibele. Lelo ico Ndelandapo Mupashi wa Mushilo, ukutemwa kwakwa Lesa.

⁸³ Umulumendo alelanda naine ubushiku bumbi. Banyina, namayo uwatemwikwa. Nalimwishiba ulya namayo, Nalimukumenye umuku umo nangu ibili. Kabili atile, “Oh, wemutemwikwa,” ku mulumendo wakwe, “isa kuno, Ndefwaya umone. Ninkwata amafuta muminwe yandi.” Ukuba, Ninkwata, naine. Apa epo Ndepiba. Nomba, atile, “Ninkwata amafuta muminwe yandi.” Atile, “Cinshi ico uletontonkana pali ico?”

⁸⁴ Kabili umulumendo aloleshe pali banyina, nokutila, “Bamayo, Ndefwaya ukumwipushako icintu cimo.” Balefwaya ena ati apepe balefwaya ena ati apepe ukutila bengenda mupepi na Lesa. Atile, “Lintu amafuta yacisa mukuboko kwenu, bushe yacifumyapo ukusekwa kobe konse? Bushe yacimupela icakupitamo icisuma na Lesa, ilyo amafuta. . .”

“Iyo.”

Atile, “Lyena Ndi nokucileka ceka.” Ico eco.

⁸⁵ Oh, isonde, isonde lya bukapepa, abantu ba pentecosti, balelolela pacakwelenganya. Isonde, abasambilila (abetwa ifyo) isonde, isonde lyafilonganano, lilefwaya icakupwisha ubwafya ubo bengabomfya ukuwamya icilonganano nokwingishamo ba membala nabambi muli cena, “millioni ukucilapo,” namwishiba.

⁸⁶ Kabili ne—nefyalo filefwaya iyapala impuka yaba kapokola iingaleta isonde lyonse pamakufi yabo, nokuleta ubulungami.

⁸⁷ Munyina, cena tacisa ukupitila mu cakwelenganya ica pentecosti. Kabili tacisa ukupitila mutubungwe twaba Protestanti nangu imibombele yaba Katolika. Nangu cena ukwisa ukupitila mu pentagon, nangu ukupilibula amabula yapya. Cena cishila ukupitila mu mweo uwaipela kuli Yesu Kristu, ukupitila mulubatisho lwa Mupashi wa Mushilo. Conse icishingafika kuli ico, cintu calubana.

Natupepe.

⁸⁸ Nalaipusha nkashi yesu ukwisa ku cinanda kulya, icinanda, pali ino nshita. Ilyo tucili mwipepo, ilyo cila muntu akontamike umutwe wakwe, nacila muntu abe mwipepo. Ndeingilamo, pali ino nshita, nga cakutila kuti mwaesha umupashi wenu ukukanya i Cebo cakwa Lesa. Bushe namulungika?

⁸⁹ Panuma yakulongana uku, nga fintu Nacimweba, Ninkwata abapongoshi bandi abalambalele kulya, panembe nembe yamfwa, Ningile ukubamona, balefwa. Bacibusu bambi, abo Naishiba muno, bantu Ntandalila, abalambalele panembe nembe yamfwa, abantu abaikalapo muno mu chalichi. Oh, munyina, nkashi, ulefika kulya, naiwe. Ufwile ukufikako.

⁹⁰ Nomba, mwatila, “Ukuba, Ni—Ninjishiba ico, Munyina Branham. Ndefwaya ukubika ico cintu bwino, shimo muli ishi nshiku.” Lelo limbi tekuti cibe “bumo muli ishi nshiku,” kuli imwe. Buno limbi kuti bwaba ubushikufye bumo.

⁹¹ Ulya muntu taishibe, pakufuma ku California, ukuya ku Michigan, ubushiku bumbi, no mukashi wakwe umunono kuno lubali, aleensha mo—motoka; bali muli motoka, baleya ku ng’anda yabo iipya. Elyo fye alekeleffye incito mu Bashilika bapamenshi. Bushe alishibepo ilyo aimine lulya lucelo, nalimo ngo muntu uumona ifilengwa na lesa, ukutila umukashi wakwe nakanya bakaba ifitumbi mu ma miniti ayanono? Lelo, pamulu wa Henryville kulya, motoka yabo yapunkene na sacha. Kabili namutekenya alengele...motoka yakwe yapilibwike, panonofye, lelo namayo nomukashana umunono balifwile. Ndesubila ukutila umweo wabo wali uwalungama na Lesa.

⁹² Imilungu iinono iyapitapo, lintu Munyina Wood na Ine twaile kulya ku ndeke iyo yaponene kunuma yancende kuno, nokubatamba balefumya utufimpya twamibili yabantu abali cine konse konse, ilyo imitwe namaboko yalisalangene pancende yonse. Baleimya umubili, namala yalepona ukufuma mu mubili wa muntu; umuntu umusuma, limbi, umuntu uwaishibikwa uwafuma ku Chicago. Lintu ulya muntu aingile mundeke lulya ulucelo, Ndeingililamo ubushiku bulya lintu aile ku chalichi, nga cakutila alikwete ubwiminishi ubusuma. Bushe kakumba alipele ubwite bwaku cipailo? Bushe alyebawile ulubembu, kabili ulya mwaume alikwete ishuko? Nangu bushe ena aile nge nama? Bushe ulya umuntu aali, mu cinso cakwa Lesa, umwana wakwa Lesa?

⁹³ Tontonkanyeni pali ifyo fintu, bacibusu. Fyena fikankala. Bena tababa fye abakankala, bena baba icintu icikankala nganshi kuli imwe ino ora. Ino e nshita ilyo mukapanga ubusalo. Ino e nshita ilyo mwingakwata ukusala kwenu ukwa uyu umweo, ku mweoi uuleisa. Lekeneni mucicite ilyo tulepepa.

⁹⁴ Shifwe uwa mu Myulu, ilyo tulebelenga muli Baibele ifyo Mwasosele pa lubembu, kabili balya abalucita nokukana yebelela. Natwiluka ifyo cilepilibula ukufwa ukwabula ukwishiba Lesa. Twalishiba ukutila ukupitila mucakupitamo ica bambi, ifyo twamona fileya. Abo abalinokucita ico, abo abacisunkileko untanshi. Mwe Lesa, abo abalanda kabili tabakwata ico balanda ukutila alikwata. Balya abacitile nga abena Kristu, lelo nomba tabatalile ababapo abena Kristu. Umweo wabo walishininkishe ico, kabili imfwa yabo yalilengele cena ukulangishiwa.

⁹⁵ Nomba, mwe Taata, Napepa ukutila Mwalalanda ku mutima onse muno muno bushiku. Kabili palwandi, Shikulu, pakuba uwakuwayawaya, pa fintu ifingi ifyo Nali nokucita kabili nshacitile, Nalapila ku filubo fyandi. Ndelapila kufilubo fya aba

bantu. Ndelapila ku ilubo fya calo ici. Nde Mupusha ukukwata uluse, Shikulu. Nalikwata abana batatu abanono abakukusha. Kabili ifwe tuleikala kuno pa cifulo icakaba, kabili, Lesa, takuli umulandu uwakubutuka. Mwalishiba fyonse palwa ico. Mwe Lesa, Ndefwaya ukuba uwalungama na Imwe.

⁹⁶ Ubushiku bumo, nga cakuti ibomba lya atomiki talitusangile, icakonaula cikatusenda. Nga icakonaula tacitusendele, ubulwele bukacita ico. Icintu cimo cilingile ukutusenda. Lelo tuli abansansa nganshi ukwishiba ukutila kwaliba inshila yakubutukilamo. “I Shina lyakwa Shikulu ca—camba, kabili abalungami babutukila mulya nokuba nobucingo.” Lesa, lekeni umunandi umubembu, muno bushiku, umulumendo, umukashana, umwaume nangu umwanakashi, moneni iciibi caisuka, ishuko, nokubutukila kuli Kristu ino ora.

⁹⁷ Nomba ilyo tukontamikeko imitwe yesu, bushe palipo bamo pano, nangu, Ninjishiba muli bamo muno abo abengatemwa ukulanda, nokwimya ukuboko kuli Lesa, “Ndi nensoni pa mweo wandi. Kabili Nde—Ndefwaya ukuyebelela ifilubo fyandi ku cinso cakwa Lesa, nokulomba uluse.” Imyeniko ukuboko kwenu kuli Lesa. Lesa amupale. Lesa amupale. Lesa amupale. Muli bengi, muli bengi. Ee. Kuliko abengi muno, na imwe, abo. . . Lesa amupale.

⁹⁸ Mwebengi muno, mwebalanda ubwina Kristu panshita ntali, kabili nokwishiba ukutila mwalifilwa ukwendela pamo na Lesa, mwishibe ukutila mulecita ifintu ino ine nshita ifyo tamulingile ukucita. Kabili muleya, mulefilanda, mukuilekelesha, muleya mulesensenunwa nomukuku. Pakulolesha pa ma pologolamu ayo tamulingile ukutamba. Moneni amabuuku nokubelenga ifyalembwa ifyo tamufwile ukubelenga. Tacalinga ico kubena Kristu. Ukulakutika kumipulwe iyabaonaika—abaonaika nfiko namatipa ayo mushifwile ukumfwako; bonse abaume nabanakashi. Mwalishiba incende eko mwalingile ukulanda kabili tamwacitile ico, kabili muli nomulandu, nalimo, ulubembu lwakukana cita.

⁹⁹ Ndeingililamo nga kuti mwaimya ukuboko kwenu kuli Kristu, ukukwata uluse pali imwe, nokumyelela. Imya ukuboko kobe. Lesa akupale, namayo wa caice; ilyo umwanakashi aleenda ukwisa ku cipailo, ku kuyebelela ifyakwe. Imya ukuboko kobe kuli Lesa. Lesa akupale. Ico nacilungama, we mwaume. Ico nacilungama. Lesa akupale. Imyeni ukuboko kwenu. Namwishiba ukutila mwalicita icilubo.

¹⁰⁰ Ndeingililamo nga cakutila namukwata ukushipa, muno nshita ya bushiku, ukwakukumanya pano pa cipailo. Natufukame pano nokutila, “Mwe Lesa, tubeleleni uluse ifwe bonse. Tule Mukabila.” Lesa akupale, namayo.

¹⁰¹ Ukumona aba banamayo bacaice baisa, balelila, umweo uli kuntanshi yabo! Bali pamansansa yanshila. Bena bantu

basangwa kunshiku. Cinshi? Bushe namwiluka, abantu abakalamba, lintu twali abalumendo, abalumendo besu balikwata imiku ikumi ifyakweshiwa ukucila pafyo twakwete? Nkashi, bushe uleiluka ukutila umwana obe umwanakashi alikwata imiku ikumi icakweshiwa ico wakwete lintu wali umukashana? Cinshi ico umwana wakwe umwanakashi ali nokukwata? Lolesheni pali ifi fintu, ifikope ifyo ciwa alepenta.

¹⁰² Oh, ifyo tulekabila ukupepa! Nomba twalabwelela kuli imwe nakabili. Munyina, bushe uleiluka ukutila tatupepa citika nga fintu bashifwe bapepele? Ba kakumba, bushe namwishiba tatukwata inshita iikalamba pamakufi yesu nga fintu ba kakumba kunuma yesu bakwete? Mwe banakashi, bushe mwalishiba ukutila tamusambilisha umwana wenu umwanakashi, nokupepa nankwe munshita yabushiku, nga fintu banyinenwe bacitile? Nomba, nga palwa ico, ninani ali uwamulandu? Ifwe tuli nomulandu. Tapali inshila imbi pali ico. Tuli nomulandu.

¹⁰³ Ndi nomulandu. Nshili nomulandu pakukana bomba umulimo wakwa Lesa, ngafintu Mfwile ukucita. Ndelanda pali ico, ukutila Nalilufyanya. Ndeipusha Lesa ukuba uwaluse kuli ine. Ndelolesha apa nokumona ifyakucita ifyo Napusa, pamulandu wafintu ifinono, ifinono ifishaba nencito. Ndi uwansoni palwa ine nemwine, nga kashimikila wa Mbila nsuma pa cinso cenu. Ndelapila ku cinso cakwa Lesa, nokwipusha Lesa ukunjelela, ne chalichi ukunjelela, pakuwaya waya pancito yakwa Lesa. Ku kusenamina kwakwa Lesa, kabili ku bwafwilisho bwakwa Lesa, Nsha—Nshakomfwe ku cintu... Cila muntu aleesha ukumweba icintu cimo icakucita. Bena nabakwata ubutantiko. Bena nabakwata icintu cimo ico imwe mulingile ukucita. Ubuwelewele. Nalishiba ubutantiko bwakwa Lesa; calilembwa umu muli Baibebe. Kabili Ndomfwa insoni palwandi nga kapyunga wa Mbila nsuma. Millions imo imyeo iyapusuka, Ningile ukukwata ama millions ikumi limo ukupusuka; Ndi panuma nganshi.

¹⁰⁴ Nga iwe? Mweo inga yapusuka apo mwabela muli Kristu? Ubwina Kristu bufuma kuncende imo ukuya ku ibiye. Niyanga imweo watwala kuli Kristu apo wabela umwina Kristu? Nga tamulenonka imyeo, muli nomulandu, muli ng'umba, namuleta insoni pa Chalichi ne Mbila nsuma. Nibanga abantu mwasendako kukulongana kwapali Citatu? Nga cakutila taulecita ico, ufwile wayumfwila insoni kucinso cakwa Kristu. Uli nomulandu, kabili nencende yobe ili pa cipailo. Ndemwita ukwisa naine, kukulapila.

¹⁰⁵ Nomba kuti mwakontamikako imitwe yenu, kabili mubefye abakontama pali miniti, ilyo Naumfwa ukusekwa kwandi kabili ndefwaya ukulapila. Kontamikenifye imitwe yenu.

¹⁰⁶ Taata Wesu uwamu Myuulu, Nakontama pali ici icipailo

nokwipusha ukwelelwa pa membu shandi. Nalomba ukwelela kwamembu ya abo abashingulwike icipailo. Nalombelako ubwelelo palwa cino chalichi, pamubili—pamubili wabacetekela mucalo conse namufyalo fyakunse. Nalomba uluse palwa ifwe, pakuwaya waya palwa fintu ifyamu Bufumu. Ndelomba ukutila Mwalatwelela ku membu shesu, nokufumyapo ulwesu—ulwesu—ulwesu ulubembu. Kabili tubeleleni uluse pa kuba abawelewele nganshi, pa buwelewele bwa bantu. Efyo twafilwa ukucita ico! Efyo twaposa amano kufyamubili! Ifyo twacita ifintu ifyo tatulingile ukucita! Ifyo twabembuka ku cinso Cenu!

¹⁰⁷ Kabili pali ino nshita ya bushiku iya pa Mulungu, Taata, ukumona kasesema uwalekashika uwa muli Baibele, tulekashika ifinso muno bushiku. Nakashika kumenso kucinso Cenu, pamulandu walubembu lwabantu. Abantu, icalo candi, abantu bandi, Naliba ne nsoni pali bena, Shikulu. Tulemona abakashana abacaice baleenda mumusebo nokucita munshila babecitilamo! Pakumona ubuule, abalumendo abacaice baleikala mu—munshila shonse ishabwikashi! Ukubamona baleikala ku ng'anda ukufuma muchalichi, nokubelenga ama buuku yakale ayo tabalingile ukubelenga! Ukulatamba amapologolamu ayabula ukufumyamo ifyabipa! Balekutika kumipulwe yaku Hollywood! Baleumfwa kunyimbo sha boogi woogie iyakwa ciwa, ayafuma kubaume abamano yabipa kabili abakwata imitontonkanishe iyabipa, ukongola kwa kwa ciwa, pakuputamo ukutwala kuntanshi amashiwi yakwa ciwa!

¹⁰⁸ O mwe Lesa, Ndi uwansoni palwandi pakukanakalipila munshila iyo Mfwile ukucita. O mwe Lesa, fumenipo umulandu wandi. Nde Mulomba ukucicita. Nde Mulomba ukwelela aba bantu abali muno, intanshi, ifwe bonse. Twafwilisheni ukuti twime ukufuma kuli ici cipailo nga baume abapya na banakashu. Twafwilisheni ukufuma muno ngefyo abena Kristu balingile ukuya.

¹⁰⁹ Twafwilisheni “Ukubika kumbali icafina conse, kabili ulubembu ulutusansa mukwangufyanya, pakutila twinga butuka no mukosha ulubilo ulwabikwa kuntanshi yesu.” Tekulolesha pacitunshi tunshi, tekulolesha kuli bakasesha bamuli cino calo, lelo, “Ukulolesha kuli Katendeka kabili Kapwisha wa cicetekelo cesu, Shikulu Yesu Kristu, Uwasushishe insoni shacapindama nokutufwalila, nokutuculila kunse yampongolo, ukuti Engashisha abantu no Mulopa Wakwe.”

¹¹⁰ Tusangululeni ukufuma kukukana lungama konse, no kutusenda nga bana Benu mwebene, muno nshita yabushiku, kabili tupokeleleni muli ili pepo lyakulapila. Kabili tupeleni, Shikulu, umutende no kusangalala. Kabili lekeni yonse amasanshi, muno bushiku, ilyo tulelala, ukutontonkanya pali uku kulongana kwa ino nshita ya bushiku, lekeni tutontonkanye pa mibele ye sonde, ukutila Baibele na isokolola kuli ifwe nombamba. Lekenini ifwe, ilyo tuletontonkanya pali cena, ifinso fyesu

fyaumine kumalndu nensoni, kabili lekeni Mulete umutende ne nsansa ku mutima onse. Ifwe tulelapila, Shikulu, ku cinso Cenu, pali ici cipailo.

¹¹¹ Mwe Lesa, ngafweni ilyo Ndeisa nomba, kucicetekelo nokupepa ukutila bwaba mubufwayo Bwenu, ukutila abengi, abengi, imyanda iingi iya bantu benga Micimfishako. Kabili mungafwilishe ukukwata icicetekelo nokushipa, ilyo Ndetwalilila; tekulolesha kumuntu onse lelo kuli Imwe, Kalemba kabili Kapwisha wa cicetekelo cesu. Lesa, cipeleni.

¹¹² Eleleni dikoni onse uwa muno chalichi. Eleleni kakumba. Eleleni ba membala fye, Shikulu. Eleleni cila umo, pamembu shesu shonse. Tweleleni, Shikulu. Eleleni umweni onse mumpongolo yesu. Kabili lekeni tumfwe ububi ubwa Mupashi wa Mushilo pa myeo yesu, pantu tuli abaicefya ku cinso Cenu, muno bushiku, ukulapila ne mitima yesu yonse, ukutila Mwalatupokelela nokutulenga abapetama, abateko mutima, abasangululwa, abantu abapetama ku mulimo Wenu. Peleni ili palo, Shikulu, pa cipailo apo tuli. Peleni ico. Kabili natukontamika imitwe yesu ne mitima ku cinso Cenu. Mwi Shina Iya Mwana Wenu, Shikulu Yesu, twaipusha ici. Ameni, kabili ameni.

Ndi Wenu, O mwe Shikulu, Ning'umfwa i
Shiwi Lyenu,
Kabili Nalandile ukutemwa Kwena pali ine;
Ifyo Ndekabila ukwima mumaboko
yacicetekelo,
Nokuletwa mupepi na Imwe.
Mpalamikeni, mupepi, Shikulu uwapalwa,
Ku lupanda uko Mwafwila;
Mpalamikeni, mupepi, mupepi, Shikulu
uwapalwa,
Kuusuma Ulwenu, ulwalefuma umulopa
ulubali.

¹¹³ Pano pa cipailo, muno nshita yabushiku, pakati kaba bwananyina bandi abali pano pa cipailo, Ndi uwansansa pakumona, muno nshita ya bushiku, kuli abengi abaume nga fintu kuli abanakashi. Ilingi line, nibanamayo abenganaka bwangu. Imitima yabo, kwaliba icntu cimo palwa bena, icingekatwa pantu nibanamayo. Kabili bena bali—bena ni banamayo, kabili imwe inshita shimo kuti mwabekata. Lelo Ndi uwansansa nganshi pakumona Mupashi wa Mushilo ati kuti aikata abaume, nabo nokubaleta ku cipailo.

¹¹⁴ Kabili Ndeingilamo nibanga muli imwe abali pa cipailo, abo abafukeme nomba, abo abaleumfwa ukutila namupela ukuipelesha kuli Lesa, ukutila mwalafuma muno munshita yabushiku, ukwikala ubumi ubwawamisha, kukusenamina shakwa Lesa, nokucita ifintu ifingi ku Bufumu bwakwa Lesa,

napa mulandu Wakwe, bushe kuti mwaimya ukuboko kwenu kuli Kristu, nga namushinguluka icipailo, tileni, “Ndecetekela nomba Nindapila”? Lekeni Lesa amupale.

¹¹⁵ Nibanga muli imwe kunuma uko abaleumfwa ukutula namulapila mucipuna cenu; muleumfwa kwati mulefwaya ukucita ifiweko? Lesa amupale.

Nomba natwiminine.

¹¹⁶ Imwe mwebali pano pacipailo, losheni *iyó* nshila, nga kuti mwacita ico. Nomba, imwe pano pa cipailo, imyeni amaboko yenu kunse uko, ukutula mulekabila ipepo lyabo, pakutula mwingatwalilila. Bushe kuti mwaimya amaboko yenu kuli abo mwibumba? Cisuma. Nomba imyeni amaboko yenu kunuma kuno, pa cipailo pano, pakutula mwingakabila amapepo yabo, na imwe. Ukutula ifwe twala . . . Lesa alatwafwilisha ukucita ico. Lekeni Shikulu Yesu atupale.

Nomba, mwilabako ukulongana kwa pa Mulungu ubushiku.

¹¹⁷ Bushe namukwata ishiwi ilyakulanda, Munyina Neville? [Munyina Neville alanda na Munyina Branham—Kale.] Pali Cibili napali Citatu ubushiku. . . Bushe *iyó* minshoni yabela kwisa? [Munyina Neville aasuka.] 1628 West Market, iyi Cibili ileisa na Citatu munshita yabushiku.


¹¹⁸ Kabili nomba pa Cibelushi napa Mulungu, Nkaba ku Madisonville, ku Kentucky, pa cikulwa kulya. Kabili nomba tukengila mu New York.

¹¹⁹ Nomba, umulandu twalafumina bwangu, Ninkwata abapongoshi abali, abalwala icine cine, kabili balenjita. Nomba lekeni ifwe . . .

¹²⁰ Namukwata ishiwi ilyakulanda, Munyina Neville? [Munyina Neville atila, “*Iyo*.”—Kale.] Nangu cimo.

¹²¹ Natukontamike imitwe yesu pakashitafye akanono, ilyo tulepepa. Nacilungama. Panono panono nomba:

Lesa abe nemwe mpaka tukakumane nakabili!

Ukupitila . . . 

56-1125E Kasesema Uwalekashika Pa Cinso
Branham Tabernacle
Jeffersonville, Indiana U.S.A.

BEMBA

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org